

# NY VALOSOA

Gazety misheo intelo isan-kerinandro  
(Tolata - Alakamisy - Sabotsy)

VAOVAO

Sabotsy 18 jona 2022

Laharana 1310

Vidiny : 500 Ar

**Fitondrana Rajoelina**

2

**Hiongana ho azy fa  
tsy mila haongana hoy Rina**

**Tanora RMDM**

2

**Miala ny mpitondra rehefa  
tsy hanao fikaonandoham-pirenena**

**Tranga**


6

Tratra ireo mpidoroka zava-mahadomelina miisa 10

**Ndriamandimby Mosa**

7

Miantso vonjy ireo mivelona amin'ny resaka omby

**Daka kely****Ministra sy tale jeneralin'ny Jirama**

3

**Fahendrena no miala  
fa tsy voavaha ny delestazy**



Tsy ny minisitra na ny DG fa ialahy mihitsy no tsy mamely amin'izao fijalam-bahoaka zao ry Boaikely a !

**FITONDRANA RAJOELINA**

# Hiongana ho azy fa tsy mila haongana hoy Rina

**N**anatitra taratasy fitarainana teny amin'ny HCDDED, na ny filankevitra ambony ho amin'ny fanajana ny demôkrasie sy ny fanjakana tan-dalàna teny Soanierana afak'omaly, ny vondron'ny mpanohitra RMDM notarihan'ny filoha lefitra nasiônalny Alain Andriamiseza, sy ny avy amin'ny antoko TIM, nahitana ny sekretiera jeneraliny Rina Randriamasinoro. Tsy voahaja ny demôkrasie eto amintsika, maro ireo tsy fandikan-dalàna ataon'izao fitondrana Rajelina izao, ka nahatonga azy ireo nanatitra izay fitarainana izay. Nanambara ny filohan'ny HCDDED Pierre Lenoble, fa misokatra sy mandray ny rehetra ny andrimpanjakana izay tarihany. Fa nararaotin'ny mpanao gazety ny nanontany ny sekretiera jeneralin'ny antoko TIM mahakasika ny raharaha-pirenena, tsy fanonganam-panjjakana araka ny filazan'ny mpomba ny fitondrana izao atao izao hoy Rina, io fitondrana Rajelina io hoy izy dia tsy mila haongana fa hiongana ho azy araka ny zavatra tsy mety isan-karazany, sy ny tsy fahaiza-mitantana misy. Io ihany koa dia tonga amin'ny fitenin'ny depiote Fidèle hoe: "manga masaka io fitondrana Rajelina io, ka hihintsana ho azy". Efa tena mi-jaly tokoa ny vahoaka ankehitriny, ka ny firarian'izy ireo



**Ny sekretiera jeneralyn'ny antoko TIM,  
Rina Randriamasinoro.**

dia ny haha-tanteraka izany fialan'ny fitondrana Rajelina mpampijaly vahoaka izany.

**Isambilo**

Tanora RMDM

## Miala ny mpitondra rehefa tsy hanao fikaonandoham-pirenena

Nitafa tamin'ny mpanao gazety tetsy Bel'Air omaly ny Jeunes RMDM, na ny Tanora RMDM, rodonben'ny mpanohitra ho an'ny demôkrasie eto Madagasikara. Nasongadin'izy ireo nandritra izany, fa ny fikaonandoham-pirenena ihany no hamaha ireo olana samy hafa misy eto amin'ny firenenia amin'izao fotoana. Noho izay antony izay hoy izy ireo, tokony hiala ny fitondrana tarihan'ny Filoha Andry Rajelina, rehefa tsy hety hanao izay fikaonandoham-pirenena izay. Izay ihany no vahaolana amin'izao, mba hialana amin'ny korontana mety hisy mialoha, mandritra ary aorianan'ny fifidiana, hoy ny fanambaran. Efa feno ny fepetra rehetra noho izay hadalana sy fahotana mahafaty atao'nity fitondrana ity. Mpitondra fanjakana « Tompon-toerana » no misy eto fa tsy « Tompon'andraikitra ». Hitsangana izahay hiteny ny marina eto amin'ny fire-



**Ireo Tanora RMDM nitafa tamin'ny mpanao gazety omaly.**

nena, araka ny fanamafisana nataony. Mitaky ny fikaonandoham-pirenena izahay, satria izahay ato amin'ny FIAM na ny Farenanana Ifotony an'i Madagasikara, dia mahita ohatra, fa mampisavorovoro ny andinin-dalàna sasany misy. Ny mpanohitra dia tsy mila seza, izany seza izany tsy rombahina fa tonga hoazy aminao raha mety tsara ny ataonao, ary ipetra-

han'ny fitombenana izany fa tsy lolohavina an-tampon'ny loha. Miantso ny FFKM, ny mpitandro filaminana, ny « Communauté internationale » na fianakaviambe iraisam-pirenena, ny vahoaka malagasy rehetra, hampiray feo hanaovana izany fikaonandoham-pirenena izany. Miantso ny « grand corps » rehetra koa izy ireo hanara-dia ny Synad, ka tsy ho baikon'ny mpa-

nao politika, fa hipetraka tsy momba ny atsy na ny aroa hatrany. Fivarotana tanindrazana hoy ihany izy ireo ny fanakantsakana ny fanatanterehana an'io fihaonambem-pirenena io. Hisy io fikaonandoha nasionalio ho hoy ny mpandaha-teny ary ho-santarina amin'ny fikaonandohan'ny tanora rehetra, izay hatao eny Mahamasina ato ho ato.

**Isambilo**

Antoko TIM any Nosy-be

## Manameloka tanteraka sy mitaky ny hamoahana an'i Ninie Donia

Manoloana ny fampidirana am-ponja an'i Ninie Donia, mpanakanto no sady filohan'ny DISTIM ao Nosy-be Hell Ville fahitra Diana dia namoaka fanambaranay ny antoko Tiako i Madagasikara (TIM) ao an-toerana. Manameloka ny fanagadrana tsy ara-drariny noho ny tsy fitovian-kevitra na firehana, nefo ady madio ny raharaha-pitsarana misy. Manoloana izany, miantso ny tompon'andraiki-panjakana rehetra ao Nosy-be, mba handnika tsara sy handray fapanahan-kevitra ham-



**Ninie Donia, mpanakanto, sady filohan'ny Dis-TIM Nosy-Be.**

hana izao olana izao ao anatin'ny fotoana fohy,

satria mety hiteraka savorovoro, sy tsy filaminana

eo amin'ny tanàntsika araka ny fanambaranay izao zava- misy izao, indrindra amin' izao ankatoky ny fetim-pirenena izao. Noho izany, mangatoka ny hamoahana ny filohan'ny DISTIM ao Nosy-be, Ninie Donia sy ireo olona sasany migadra miraka aminao, tsy misy hatak' andro sy tsy misy fepetra izahay. Manentana ihany koa ireo vahoaka ao Nosy-be ho tony manoloana izao toe-javatra izao, hoy ny fanambaranay.

**Helisoa**

## Ny Valosoa sy fakafaka

**Fiainam-pirenena**

### Miha-lalina hatrany ny fahorianama hazzo ny vahoaka

Vao mainka miha-lalina hatrany ny fahorianama hazzo ny vahoaka Malagasy, tsy hita intsony izay ho sarangotina. Isak'izay miresaka amin'ny olona dia tsy misy afa-tsy ny fitantaranana ny fahorianama hazzo hatrany hoe "mbola tsy nisy toy ny tamin'ity fitondrana ity hatramin'izay nipotsiran'ny voamaso. Ny mpiasa tena mikaika satria tsy mandeha ny asa, nefo mandoa hofantrano, mampianatra zanaka, mit-sabo rehefa tonga ny aretina sns... nefo tsy maharaka izany rehetra izany ny volana miditra. Toa kivy tsy manana fanantenana intsony fa dia manamboatra saina hoe "afaka ho aiza e?" Ny mpiasa mandray isam-bolana indray dia tsy mahatody ny fandraisambola manaraka ny eo an-tanana fa herinandro raha misy dia tsy manana atokona intsony, fa tsy maintsya mitrosa, mba hisakafoanan'ny fianakaviana. Etsy andaniny anefa dia misy ireo manankarena mihoa-pampana ny manana andraikitra eo amin'ny fitondrana. Hany ka tsy hitany intsony, na tontolo hafa no iainany, ka tsy mahatsapa ny fahorianama hazzo ny Malagasy mpiray tanindrazana aminy, izay mitrongy vao homana. Milaza ireny olona ireny fa miasa ary mijery ny mahasoa ny vahoaka Malagasy ireo mpitondra ankehitriny. Ny fantatra anefa ary efa tsy miafina ao ambadiky ny resaka diplomaosia intsony fa tena miteny mivantana ny mpitondra fanjakana, ny mpamatasy vola an'i Madagasikara raha nanolotra vola fanampiana ho antsika, fa tsy mitsinjo ny Malagasy ny mpitondra, teo imason-dRajelina sy ireo mpipara-miasa aminy no nilazany izany. Ohatra noraisiny tamin'izany ny fanambaranay, fa ny vahoaka mahantre indray no mandoa vola be ividianana rano eto Madagasikara. Faly mandray vola fotosiny ny mpitondra, fa tsy hainy izay laharam-pahamehana ho an'ny Malagasy. Mahita ny Malagasy mipetraka sy tsy mahasahy mietsika aloha hatreto ireo mpitondra dia manararaotra, fa tadio anefa fa mety ho indray mipy-maso dia tsy ho zakan'ny mpitondra amin'izao ny fitroatran'ny vahoaka. Misy farany ny zava-drehetra, ary misy farany koa ny fandeforam-bahoaka izay, tsy tana io rehefa tonga ny tokoa.

**Helisoa**

FOKOTIM Ambohimanandray

### Mifanohana sy mandray andraikitra manabe voho ny antoko TIM

Nanao favoriana sy fanamafisana ny firaosankina ny FOKOTIM ao amin'ny fokontany Ambohimanandray Ambohimarina, Boriborintany faha-6 afak'omaly. Nisongadina tamin'izany, fa mifanohana sy mandray andraikitra hanabave voho ny TIM izy ireo. Nanatrika ny fotoana teny an-toerana, ny filohan'ny DISTIM Boriborintany faha-6 Celestin Ratsimbazafy, ny filohan'ny tanora Tim Lalaina Rabezanahary, ary ny birao mandrafitra ny FOKOTIM tao an-toerana, tarihan-dRamotoa Fine Rasoarilala. Nanambara fa vonona izy ireo, hamerina ny filoha Marc Ravalomanana eo amin'ny fitondrana indray amin'ny fididianana filohampirenena ho avy izany, na ho haingana.

**Isambilo**



**Ny favoriana ny FOKOTIM Ambohimanandray Ambohimarina.**

## Ny Valosoa sy hadihady

# Andry Rajoelina sy ny tale jeneralin'ny Jirama Nahazo felaka mandrivorivo tamin'ny Banky Iraisampirenena

Tao nilatsaham-baratra ny filohan'ny repoblika sy ny tale jeneralin'ny Jirama notronin'ireo mpiaradia aminy tao lavoloha. Nanaovan'ny Banky Iraisampirenena tamin'ny alalan'i Marie-Chantal Unwanyiligira, solontena maharitra, hafatra mavesatra ren-tany sy ren-danitra ary maso imaso, tao anaty lanonana fanaovana sonia mikasika tetikasa mitentina 220 tapitrisa dolara ho fanatsaràna ny famatsiana rano fisotro izay ho sitrahan'olona dimy tapitrisa monina ao Antananarivo sy tanàna dimy hafa voasingana toa an'i Mahajanga, Antsirabe, Manakara, no nisehoan'izany. Nisongadina tamin'izany fa tsy azo iaiàna ny mpamatsy vola mahazatra, tsy mitsinjo ny vahoaka maro an'isa i Andry Rajoelina ary tsy mahay mitantana ka ho arakina akaiky. Fahafambaraka tsy roa aman-tany no niseho, ary imason'izao tontolo izao.

"Amin'ireo mpamatsy vola mahazatra, raha mbola ireo no ianteherantsika,... izaho milaza aminareo fa na amin'ny 2030, na amin'ny 2050 na amin'ny 2060, tsy handroso mihitsy i Madagasikara", hoy tsara i Andry Rajoelina taona vitsy lasa. Tehamaina mandrivorivo amin'ny fomba mihaja no nahazo an'i Andry Rajoelina. Ary tao an-dapa mihitsy no voafelaka. Ho tafiditra ao an-dohany ve fa hatreto aloha dia tsy afamala aminy izany isika? Indrisy fa tsy ho fay mandrakizay amin'ny vava miteniteny foana, fampantanana paokaty sy lainga izany Andry Rajoelina izany. Tao anaty ny kabary nataon'i Marie-Chantal Unwanyiligira dia nitantara ny nahazo azy manokana vokatry ny fahatapahan-drano izy ary koa ny mahazo ireo fianakaviana mahantara milahatra eny amin'ny paompy. Izy tenany mihitsy no nidina teny ifotony nadihady sy nitrandraka vaovao. Vao maraina amin'ny 7 ora hoy izy dia efa milahatra rano eny amin'ny paompy i Fanihy, no manao dian-tongotra roa

kilaometara. Ary tsy vitan'izany hoy izy, fa mahatratra 5000ar ny m3 amin'ny rano. Kanefa araka ny faktiora alefanao aty amiko andriamatoa DG hoy izy dia 750ar ny m3 alohako.

Rariny ve izany hoy izy nanontany ireo mpanatrika. Nanohy ihany izy nilaza hoe izaho ihany no hamaly izany amin'ny toeranareo. Inoako hoy izy fa miara-manaiky amiko ianareo fa sady tsy rariny no tsisy fitovian-jo, « c'est injuste et inéquitable », satria ny olona mahantara indray no mando vindin-drano lafo noho ireo manana. Tokony ho maimaimpoana na moramora kokoa ny rano ho an'ireo mahantara hoy izy. Porofo mitohaka amin'ny tendany ity fa tsy mandrarahaha vahoaka i Andry Rajoelina fa tombontsoan'olombitsy ihany.

Tsy vitan'izany ihany fa mbola notsindrin manokana koa ny tsy fahatokisana ny fitondràna sy ny Jirama eo amin'ny lafiny fitantanana sy ny fisian'ny kolikoly, izay sakana amin'ny fahalavorarian'ny tetikasa, ka ho apetraka ny « contrat de performance » amin'ny eo anivon'ny Jirama sy ministeran'ny Rano, mba hahafhana mamoaka ny famatsiambola. Fahafahambaramba tsy mbola nisy tao anaty enimpolo taona no miseho imason'izao tontolo izao. Raha mba nisy ny singam-panahy kely tavela dia mametraka fialàna i Andry Rajoelina sy ireo forongony, saingy vorona azon'adala ny fitondrana eto Madagasikara amin'izao fotoana izao.

Efa tsy ny vahoaka intsony ihany no mitory ny adalàñ'izao fitondrana izao fa miditra an-tsehatra koa ny avy any ivelany. Hatreto aloha na dia nanarin'ny Von-drombe Eoraopeanina mikasika ny fikaonandoha nacionaly hahafhana matrika fifidianana madio, dia mbola misary adala toy ny mahazatra ny fitondrana.

**Ny Valosoa**

## MINISTRA SY TALE JENERALIN'NY JIRAMA

# Fahendrena no miala fa tsy voavaha ny delestazy

Maro ireo maneho hevitra momba ny delestazy laveny tato ho ato, fa fahendrena no miala ho an'ny ministry ny angôvo Andry Ramaroson, sy ny tale jeneralin'ny Jirama Rivo Radanielina, tsy ho voavahan'izy ireo mihitsy ny olan'ny fahatapahan-jiro lava. Andro vitsy izao, vao mainka miha-lava ny fahatapahana, raha tsy nisy afa-tsy indray mandahe teo aloha, ankehitriny tonga hatramin'ny indroa na in-3 ny fahatapahana. Efa manomboka mitroatra ny mpanjifa noho izany, toy izany no ni-

tranga teny Itaosy Antananarivo Atsimondrano afak'omaly alina. Efa tsy rariny intsony hoy ny mponina ity atao'nny ministeran'ny angôvo sy ny Jirama ity, ka mety amin'izy ireo ny manipy baolina fa tsy hizirizy eo foana, ka hihâran'ny fahatezeram-bahoaka faobe eo ny farany. Efa tena ahiana izay fahatezeram-bahoaka izay ankehitriny, tonga amin'ilay fitenenana hoe: "efa hipoaka ny sarom-bilany", ka mety amin'ireo tompon'andraikitra ireo no miala, mba tsy hitobahan'ny rano mangotraka eo, raha



Ny kivorivory mbola atao'n'reo tompon'andraikitra, nefy ny olana tsy voavaha fa mitoetra.

hipoaka tokoa izay tena fahatezeram-bahoaka mafy izay. Am-bava homana, am-po mierotra izany, hoy ny fitenintsika izay!

**Ny Valosoa**

Belo Tsiribihina

## Nitrangana fakana an-keriny koa tany Antsoha

Nisy fakana an-keriny olona, nitranga ny alin'ny 14 jona 2022 tokony ho tamin'ny 11 ora alina tany Ankilimagnarivo, fokontany Bekilikely, kaominina ambanivohitra Antsoha, distrikan'i Belo/Tsiribihina. Felana no anaran'ilay nicharam-boina, vad'in'Andriamatoa Alexandre, komity ao amin'ny fokontany. Araka ny angombaovao voaray dia jiolahy miisa 09 tsy fantatra ana-

rana nirongo basim-borona 02 sy fitaovalam-piadiana mahery vaika no nanao izany. Nisy nangalatra koa ny kojakoja andakozia sasany. Raha vao nahazo fampandrenesana an-telefaonina ny zandary tao amin'ny POR Ambondro dia niditra antsehatra avy hatrany. Nandritra ny fanarahandia natao dia nitaky vola 400 tapitrisa ariary tamin'ny fianakaviana ireo jio-

lahy. Tam'in'io andro io tokony ho tamin'ny 4 ora sy 46 min, no nitrangan'ny fandonana teo amin'ireo mpanenjika sy ireo olondratsy teo amin'ny toe-rana antsoina hoe Antsahafa, tokony ho 15 km andrefan'ny tanànan'i Mandoso, tany amin'ny fokontany, kaominina ambanivohitr'i Belinta, distrikan'i Belo/Tsiribihina. Vokany: tafaverina soa aman-tsara ilay olona nalaina an-keriny. Nivoaka tsy nisy nannona ny zandary sy ny fokonolona izay nanaradia. Tsy nisy vidim-panavotana natao. 02 tamin'ireo jiolahy naratra saingy nentin'ireo namany nitsoka. Naneho fankasitrahana ny zandary ireo ny mponina sy ny manam-pahefana tao an-toerana. Mithy ny fikarohana ireo jiolahy sy ny fanadihadiana hoy ny avy amin'ny zandary.

**Rajepa**

## facebook

## NY VALOSOA

Gazety misého intelo isan-kérinandro VAOVAC  
Taletsa - Alakamisy - Sabotsy  
Fampidirana am-ponja an'i Ninie Donia  
Mamaky ady amin'ny vahoakan'i Nosy-Be  
ny fitondrana Rajoelina



Arphine Raelisoa Helisoa : nauditra amponja vonjimaika koa Ninie Donia, fa ahoana mihintsy e? Famakiana ady amin'ny vahoakan'i Nosy-Be izao ataon'ny fitondrana Rajoelina izao.

**Mah Tok** : hay ze milaza ny marina sy miteny tsy mety ataon'ny mpitondra dia tsimponina tsiray2 ahiditra am-ponja. Hein! toe-rana hifandimbiasana io ary efa akaiky 2023, vahoaka no tompon'ny teny farany miraisa hina ry Malagasy.

**Rambinitsoa Brunot Brunot** : grave izy ty.

**Fara Holinirina Ramiandrasoa** : sao tsy rariny e!

**Ebera Razafindraibe** : fa inona ny antony ?

**Rambinitsoa Brunot Brunot** : ary Tatandraza ve jerem-pot-siny?

**Bodo Patty** : fa ino nahatonga anazy nampidirina am-ponja?

**Edson Ednna** : zay ve no système hitan-dreo fa mety ? tsy rariny ataon'ny fitondrana Rajoelina zao io!

**Marwan Habib** : fa dia inona loatra ny problème ny mpitondra @ty renimpianakaviana ty , nefy dia samy Artistes ihany.

**Rktr Naina** : de intimidation foana no lehibe indrindra!

**Ramamoniarisoa Nicette** : hiafara @ tantaran'i Côte d'Ivoire io raha tsy mitandrina, chasse à l'homme, ady an-trano!

**Charles Bemanara** : ry mpitandro filaminana, mba mila ny te-hahafantatra ny antantonny mikasika ny fampidirana amponja an'i Ninie Donie izahay havany tomoko.

**Endilate Robilahy** : fa d naninona loatra ré! Olona mba anisan'ireo STARS de Madagascar ve d atao'n'izany. Raha mba zavatra azo leferina ihany. Tena mandatsa-kasina olona mihintsy. Mba jereo ihany ny maha-olona tomoko, fa na ny tao-nany aza dia efa tsy mendrika azy ny any, indrindra ny maha vehivavy azy.

**Razafinandrasana Soaraibe** : izay misého milaza ny marina dia amoronana dossier.

**Aronjatovo Nantenaina Randriantahiry** : fa nisy inona? Efa tsy rariny intsony zao a!

**Zacharie Rakotoarisoa** : raha mafy ianareo fitondrana Rajoelina dia gadrao koa ilay solontenan'ny Banky Môndialy ny ary.

**Ainafity Sarobidy Fitaviana** : zay no tena marina.

**Aina Ranarivahoaka**: ann! Mitady loza ity fitondrana Rajoelina ity angamba ka.

## TONONKALO

# Ny mpitondra sū ny delestazy

Mbola sahy mijoro ihany ve 'nareo mpitondra ireo, Na efa miakatrakatra aza , tsy mijanona ny feo , Dia feon'ireo vahoaka tezitra , miandry izay mba vahaolana Notenenin'ny filoha fa aorian'ny enim-bolana ?

Efa hifarana tokoa ilay enim-bolana voalazany, Kanjo ingahy filoha mihitsy no ampangain'ny resa-jazany! 'Ndeha jereo fa miha-mitombo ity ilay hoe delestazy, Ka ny fitohizan'io dia ampy tena hampiongana azy !

Ny olana mitombo hatrany , ny eo anefa tsy voavahany. Tsy araka ny hoerahoera sy kabary fidedahany. Rahoviana ingahy filoha vao hiaiky hoe "tsy mahavita azy" Fa tsy hainy sy tsy vitany ny hanala ny delestazy ?

...O Rateloambinifolo , ry filohan'ny mpandrava, Tena tsy talentanao ny hoe hitondra ny mazava. Mety ny mandoao ny seza sy miala am-pahendrena, F'efa maizina ny tany , potika ny firenena !

# An-tsary misongadina Ny Valosoa Vaovao

Helisoa

Ny fivoriana nataon'ny FOKOTIM Ambohimanandray Ambohimarina Boriboritany faha-6 ny alakamisy teo.



# An-tsary misongadina Ny Valosoa Vaovao

Ny Tanora RMDM nitafa tamin'ny mpanao gazety omaly, tetsy Bel'Air.

Helisoa



Ampijalian'i Vazahabe sy ny CUA mihitsy ny mpitatitra, tsy maintsy eny Ambohijatovo ambony indray ireo mpitatitra, no mihodina, raha hiverina eny Ambohijatovo sy Analakely.



TRANGA

## Tratra ireo mpidoroka zava-mahadomelina miisa 10

**M**iezaka amin'ny ady amin'ny fidorohana zava-mahadomelina ihany koa ny mpitandro filaminana any Antsiranana, faritra Diana. Miteraka tsy fandriampahalemana any an-toerana izany fiparitanan'ny zava-mahadomelina: rongony izany. Saron'ny polisy ireo mpivavrotra sy mpifoka Rongony, mpidoroka zava-mahadomelina miisa 10 tany amin'ny renivohitry ny faritra Diana. Natolotra ny fitsarana omaly ireo olona miisa 10, izay mpifoka sy mpivarotra jamala na rongony tao amin'ny Fokontany Scama. Heroiné 62 boules, izay atsindrona amin'ny vatana, rongony 3 fehezana, briqué, seringue ary vola



Ireo mpifoka rongony, sy mpitsindrona zava-mahadomelina tratra tany Antsiranana.

4.600.000 Ar, izany hoe enina hetsy sy efatra tapirisa Ariary no tratra tamain'reo olona ireo. Loharanom-baovao azo avy tamin' olona tsara sitrapo

no nahasamborana azy ireo. Miantso ary manentana ny olona rehetra hatrany ny polisim-pirenena, mba tsy hisalasala hanome ny loharanom-bao-

vao, raha misy tranga mampiahiahy eny anivon'ny fiarahamonina.

Niaina

Ady amin'ny tsy fandriampahalemana

## Jiolahy saika hanafika ravan'ny polisy

Jiolahy saika hanafika no ravan'ny polisy tany Toamasina renivohitry ny faritra Atsinanana. Tsy tanteraka ny fikasan'ireo jiolahy, izay saika hanohy ny asa ratsiny tany Toamasina, noho ny fahatongavan'ny polisy ara-potoana. Ny fahazoan'ny FIP, izay tarihan'i Commandant Jules Rafaliarivo loharanom-baovao, no nahafrhana namandrika ireo olon-dratsy. Tao amin'ny fokontany 21/15 Morarano, no voasambotra ireo dahalo 03 lahy izay niafina tao an-toerana. Avy any amin'ny fokon-



Ahitana tsy fandriampahalemana koa ny tanan'an'i Toamasina.

tany Befotaka, kaominina ambanivohitra Mahavelo, Distrikan'i Farafangana

ireo olon-dratsy ireo ary vao ny 11 jona 2022 teo izy ireo no tonga tao Toa-

masina. Fantatra fa efa handray anjara tamina fakanana omby miisa 25 sy fandorana trano miisa 09 tao Analafia izy telo lahy tratra ireo. Nahatratrara pistolet vita gasy, sy bala maromaro, mohàra sy ody gasy ary taratasy toy ny "passeport" tany amin'reto farany. Nohamafisin'ny Commandant Jules Rafaliarivo, fa tokony ho hentitra ireo tompon'andraikitra eny anivon'ny fokontany amin'ny fanaraha-maso ny olona miditra sy mivoaka ao aminy.

Stefa

RN8A Andimaky-Manambolo, Bekopaka

## Mandray andraikitra manamboatra ny lalana ny fokonolona



Ireo fokonolona nanamboatra ny RN8A.

Notanterahina nanomboka ny 14 jona 2022 ny fanadiovana faobe ny lalampirenena RN8A eo anelanelan'ny kaominina Andimaky/Manambolo, distrikan'i Belo/Tsiribihina sy Ankatrakatra kaominina Bekopaka distrikan'Antsalova. Izao asa stagnamaro niarahana tamain'ny fokonolona tao Andimaky/Manambolo izao no natao dia mba ho fanta-terahana ny fametra-hana filaminana sy fandriampahalemana ho an'ireo mpizahatany mitsidika ny "Tsingy de Bemaraha". Raha tsiahivina dia nisy fivorian'ny "OMC élargie" natao tao Bekopaka Antsalova ny 10 jona lasa teo, izay niompana indrindra tamin'ny "sécurisation" ho an'ireo mpizahatany mampiasa ny lalampirenena RN8A. Tapaka nandritra izany, fa tsy maintsy apetraka ny fepetra rehetra iadiana amin'ireo asan-dahalo re-

hetra toy ny fanakanandalana sy ny sisa. Fokonolona miisa teo amin'ny 800 eo ho eo izay avy amin'ireo fokontany miisa 12 mandrafitra ny kaominina Andimaky/Manambolo, no niara-nisalahy nandritra izany. Ary nasiaina fijerena manokana tamin'izany ireo toerana rehetra antsoina hoe "point noir" tamin'io lalampirenena io. Noezahina najariana ny lalana mety

hampisy olana ho an'ny fiara ary notapatapahina kosa ireo hazo na bozaka rehetra manamorona ny lalana mety hampiteradoza, na izany amin'ny asan-dahalo na amin'ny lozam-pifamoivoizana. Haharitra telo andro ny fonombohana ny asa tagnamaro. Ary ankoat'reo fepetra hafa mahakasika izany fitandroana ny fandriampahalemana amin'io lalana io izany dia ho eza-

Rajepa

Fandaminana fifamoivoizana

## Mampijaly mpitatitra sy mpitonundra fiara Vazahabe sy ny CUA

Tena mampijaly ny mpitatitra sy ireo mpitonundra fiara mihitsy amin'izao fotoana ny ben'ny tanàna Vazahabe, sy ny kaominina Antananarivo Renivohitra (CUA), amin'ny fandaminana ny fifamoivoizana eto an-drenivohitry. Vao omaly indray, tsy miakatra any Ambohohijatovo ambony ireo mpitatitra sy mpitonundra fiara, raha hiverina any Ambohijatovo sy Analakely. Mimenomenona mihitsy ireo mpitonundra fiara hoe : «tena izay tian'i Vazahabe atao mihitsy ny zava-misy eto, amin'ny resaka fifamoivoizana, mitombo ihany ny gazoil sy ny lasantsy lany ho an'ireo mpitonundra fiara. Ny fitohanana dia mitombo hatrany». Efa tena tsy rariny mihitsy hoy ireo mpitonundra fiara izy ity, rehefa hita fa tsy voafehy hoy izy ireo, maninona raha miverina amin'ny fanapanhan-kevitra!



Fiara tsy maintsy miakatra any Ambohijatovo ambony, raha hiverina any Ambohijatovo sy any Analakely.

Faritra Menabe

## Tsara ny vokatra voanje

Tsara ny vokatra voanje tamin'ity taom-pamokarana ity tany amin'ny faritra Menabe. Nahatratra 26 000 tano-nina ny vokatra voanje tao amin'ny Faritra Menabe, izay novolena tamin'ny velaran-tany 16 000 ha tamain'ity taona 2022 ity, raha 12 000 taonina izany tamin'ny taona 2021. Nanatsara ny vokatra voanje tao Menabe ny fahatsaran'ny rotsak'orana hoy ny Talem-parity ny Fambolena sy ny Fiompiana Menabe, Andriamiarinera Serge. Tamin'ireo vokatra 26000 taonina ireo dia ny distrikan'i Belo Amoron'i Tsiribihina no nitana ny laharana voalohany, satria nahatratra hatramin'ny 15 000 taonina ny vokatra azo tamin'ny velaran-tany 9 500 ha araka ny fampitam-baovao. Ny vokatra « Fleur Rose » no tena vokatra ao Menabe. Anthony lehibe nahatonga ny fahabetsahan'ny vokatra ny fititaran'ny velaran-tany voavoly, isan'ny tsindry iray lehibe miteraka fahasimban'ny faritra arovana Menabe Antimena moa ny ataon'ireo mpamboly voanje, miitatra ny velaran-tany voavoly voanje dia miitatra ihany koa ny faritra simba ao Menabe Antimena. Nangataka ny hametrahana orinasa fanamboarana menaka ho an'ny Faritra Menabe kosa ireo tantsaha hisitrahana tombontsoa sy ho fampananana asa ny tanora, saingy indrisy fa sarotra izany, azo lazaina fa mampidi-bola ho an'ny kaominina sy ny faritra Menabe ny voanje amin'ny alalan'ny ristourne izay 24 Ariary isaky ny kilao izany, ka 12 Ariary ho an'ny kaominina ary 12 Ariary ho an'ny Faritra. Hatreto anefa araky ny fanadihadina natao dia tsy hita soritra eo amin'ny faritra sy kaominina izany vola be miditra amin'ny alalan'ny voanje izany ankoatran'ny ao amin'ny kaominin'i Belo Tsiribihina, izay nampiasana amin'ireo fotodrafir'asa ; raha ny eo amin'ny faritra kosa raha io antontan'isa navo-kan'ny fitaleavam-parity ny fambolena sy fiompiana io dia nampiditra 312 tapitriza. Ariary ho an'ny kitapombolan'ny faritra Menabe ny vokatra voanje, nefy ny mahagaga dia na dia ny karaman'ny mpiasa ao amin'ny faritra aza dia efa ho fito volana amin'ity volana ity nosy voaloa.

Rajepa



Faly ny tantsaha, vokatra ny voanje any Menabe.

# Mpiandry raharaha

PHARMACIES DE GARDE  
18/06/2022 hatramin'ny  
2506/2022

- TANA (Antsahavola) 020  
22 207 17/033 05 207  
17/034 05 207 17/032 05  
207 17

- MAHASOAVA (Près BNI  
Antsakaviro) 020 22 329  
85/034 14 525 52

- ANKADIFOTSY (Ankadi-  
fotsy) 020 22 222 07/034 22  
222 07/033 85 991 20/032  
24 705 51

- ANALAKELY (En face Ta-  
hala Rarihasina) 020 22 236  
81/033 90 338 34 / □034  
48 788 96

- MANJAKARAY (Lot II D  
Ter Manjakaray) 020 22 456  
78/032 12 456 78

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopitaly Befelatanana :  
22 223 84 / 22 6 N72 21

Hopitaly  
Loterana Ambohibao :  
22 441 88 / 22 485 17

Clinique des Soeurs  
Ankadifotsy : 22 235 54

Ambulances municipales :  
22 200 40  
Jirama:

Telma : (22)3547 (n° vert) /  
Airtel : 03 35 47 /  
Orange : 032 32 3547

Pompiers :  
Tél : 118/22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement  
Tsaralalana : 22 280 54  
2° Ambanidra : 22 309 46  
3° Antaninandro : 22 291 30  
4° Isotry : 22 280 51  
5° Mahamasina : 22 280 48  
6° Ambihamanarina :  
22 225 52  
7° 67 Ha : 22 291 29  
8° Analamahitsy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao mifeso  
intelo  
isan-kerinandro  
Vidiny: 300 Ar  
Adiresy: lot T 70 Ankadindrantombo

TALEN'NY FAMOAHANA :  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsialavona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametrahana 1310-06-2022  
Isan'ny natonta: 10 000

Tsy azo adika, na alain-tahaka,  
na antsaina amparahibemaso  
raha tsy azhaoana alalana vita  
soratanana avy amin'ny  
tompony

## NDRIAMANDIMBY Mosa

# Miantso vonjy ireo mivelona amin'ny resaka omby



Ny Lonaky Ndriamandimby Mosa.

**S**ahirana ireo mivelona amin'ny resaka omby, amin'ny fari tra Atsimon'i Madagaskara iny amin'izao fo-toana. Manambra maha-


kasika an'izay Andriamanta Ndriamandimby Mosa:" Amin'ny maha-mpia rakandro ny tegnanany ary koa efa Lonaky Raiaman-dren'ireo mpihary aomby

aty amin'ny Faritra Atsimon'ny nosy dia nahazo antso maro an-telefony ilazan'ireo longo ireo ny fahasahiranana mahazo azy ireo : kere - hain-tany - fision'ny valala dia miampy koa baiko vaovao amin'ny tsy maintsy anaratana FIB sy kavina ny aomby tsirairay anaty valanomby, izay lafo ka tena hampitombo ny fijaliana ! noho izany dia miangavy anareo manampahefana isan-tokony hijery vaholana, indrindra ianareo depioite sy senatera, fa efa mizaka ny tsy eran'ny ainy ireo mpiompy aomby amin'ny fision'ny tsindry isan-karazany tokoa ( izay tsy mila tanisaiko eto sao misy mandika vilana indray ireo mpanao izany tsindry izany). aoka ho tsaroantsika fa tsy dia fisehoan-karena akory ny fihariana omby fa "fomban-drazana tsy azo iala ! tsy tokony ham-pitovina amin'ireo fiom-piana hafa izay malaky mihodina ka azahoana volabe. mila vonjy ny mpihary aomby.

Nangonin'i Aly

BEHARO

## Teny tondro (Ny Valosoa Vaovao) N° 397



Misy ny teny Malagasy ofisialy sy ny  
tenim-paritra

Ohatra : Valy = Vady

Valliny Teny Tondro (0396)

### Mitsivalana

- Paradisa
- Enina – In
- Ra – Aho
- Anatra
- Tanala
- Ravo (miv)
- Vola (miv) –
- Isa

### Mitsangana

- Peratra
- Ana
- Ry – Anao
- Anana
- Dahalo
- Ivato
- Sy – As
- Angatra


Tsy manaiky ny mponina

## Tsy rariny ny fitazonana am-ponja vonjy maika an'i Ninie Donia

Noho ny fiarovana ny tanin'ny vahoaka, tsy rariny ny fampidirana vonjy maika an'i Ninie Donia any am-ponja, hoy ny feon'ireo vahoaka voaray avy any Nosy-Be faritra Diana. Tsy niherina akory ny andro, taorian'ny fikannando ham-pirenena momba ny fananantany natao ny herinandro lasa teo dia Malagasy 10 mahery no notazonina vonji-maika am-ponja any Nosy Be, noho ny resaka tany. Anisan'ireo i Ninie Donia, ity farany izay mijoro

miaro ireo Malagasy mitaina ho voahililikila amin'ny taniny. Ho tompony mangatak'atiny amin'ny taniny ny vahoaka Malagasy, raha izao atao ny fitondrana Rajoelina izao, satria ny vahoaka miaro ny taniny indray no gadraina. Misy farany raha jiaby, hoy ny koragnandy zareo avaratra any zay! Araka ny vaovao azo farany dia tsy manaiky izao fitazomana an'i Ninie Donia izao ny mponina ka nidina an-dalambe.

Stefan



Ny tanan'an'i Nosy-Be, ahitana olana ady tany koa.

### TENY MIFANAPAKA

N° 397

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

### Mitsivalana

1. Vady any atsimo – Masiaka 2. Vahoaka manan'aina 3. Fototenin'ny fandaharana – Mitempo (miv) 4. Neny (miv) – Tanimboly (miv) 5. Kianteny – Hery sy tanjaka – Tsosoka fanitarana 6. Fiandohan'ny orana – Sakoroka 7. Fanafody – Nikarama 8. Litera mitovy – Tsara – Tampisaka 9. Iray sy iray – Naoty 10. Ataony avo avo – Haja sy voninahitra

### Mitsangana

- A. anoary, febroary... - Faran-teny B. Vato fotsy – Fanampin'anarana (miv) D. Eo amin'ny vatana – Bibilava (miv) – Zanak'i Dada E. Azo amin'ny fary (miv) F. Diploma – Bengy G. Toby fiantsonana H. Andro – Tsiro I. Lavo tanteraka – Milaza fananana (miv) J. Tanàna iray – Mampisafidy K. Tsy sahy intsony (miv) – Efa trana

### Valiny Teny mifanaraka 0396

#### Mitsivalana

1. Antitra – T.V 2. Tas – AA – Hao 3. Avilinay 4. Kely – Olana 5. Alona – (B)es(o) 6. La – Lavabe 7. Tianay – An(tso) 8. Zaz(a) – Arina (miv) 9. Maraina 10. Atao – Hajia (miv)

#### Mitsangana

- A. Atakalo – Ma B. Navela – Zat(o) D. Tsilo – Tara E. A(lin(a) – Izao F. Tay – Ala G. Rano – Arana H. Alevinay I. Hiasa J. Ta – Barea K. Volamena

## NY TENY FIANANA

"Ny molotry ny marina mahalala izay ankasitrahana; fa ny vavan'ny ratsy fanahy dia feno fitaka."

Ohabolana 10:32

## TELMA COUPE DE MADAGASCAR 2022

## Miroso amin'ny 1/8-dalana ny Telma Coupe de Madagascar

**N**ahazoam-bokatra ireo lalao 1/16-ndalandan'ny fifaninana baolina kitra « Telma Coupe de Madagascar 2022 » izay notontosaina tamin'ny 11, 12 ary 15 jona 2022 lasa teo : Disciples Fc Analamanga Analamanga 4 – 2 Cua Ilampy Vakinankaratra, Cospn Analamanga 2 – 0 Reseau Fort V7V, Fct Analavory 0 – 3 As St Analamanga, Tam Port Berger Sofia 3 -1 As Nosy Be Diana, Fce Atsinanana 1 – 4 As St Pierre Alaotra Mangoro, As Comato Atsimo Andrefana 3 – 1 As Dragon Amoron'i Mania, Mama Fca Pro League 1(4) – 1 (2) Uscafoot Pro League, Foot Academy Analamanga 1 – 2 Eden Sport Boeny, Uscaf Pro Analamanga 4 – 3 Racing Boeny, Five Fc Pro League F – 3 Fosa Juniors Pro League, Elgeco Plus Pro League 3 – F 3Fb Toliara Pro League, Cffa Pro League 3 – F Cosfa Pro League, Disciples Fc Pro League 3 – 2 Jet Kintana Pro League, Zanak'Ala Fc Pro League F – 3 Jfc Toliara Pro League, Tia Kitra Pro League 1(2) – 1



Telma Coupe de Madagascar 2022.

(4) As Fanalamanga Pro League, Ajesaia Pro League 3 – F Dato Fc Pro League. Hiroso amin'ny lalao lalao 1/8-dalana, araka izany anio sabotsy 18 sy rahampitso alahady 19 jona 2022 ny fifaninanana ka kianja miisa 5 eto amin'ny nosy no hanantanterahanana azy. Fandaharan-dalao : Sabotsy 18 jona 2022 Etsy amin'ny kianja « Terrain synthétique Ambohi-

dratrimo »: 09:00-Disciples Fc Analamanga # Asst Analamanga, 11:00-Cospn Analamanga # Disciples Fc Pro League, 13:00-Ajesaia Pro League # Mama Fca Pro League, Alahady 19 jona 2022 Etsy amin'ny kianja « Elgeco Plus Stadium By-Pass » : 13:00-Elgeco Plus Sofia # Uscaf Pro Analamanga, Any amin'ny kianja Rabemananjara Mahajanga :

11:00-Eden Sport Boeny # Cffa Pro League, 13:00-Fosa Juniors Pro League # Tam Port Berger Sofia, Any amin'ny kianja Ambatomaity : 14:00-As St Pierre Alaotra Mangoro # As Fanalamanga Pro League. Any amin'ny kianja Andaboly Toliara : 14:00-As Comato Atsimo Andrefana # Jfc Toliara Pro League.

Rainilita

### Basikety U18 lahy sy vavy any Maevatanàna

### Miditra amin'ny digana famaranana anio sy rahampitso

Miditra amin'ny dingana famaranana (1/2-dalana sy lalao famaranana) anio sabotsy 18 sy rahampitso alahady 19 jona 2022 ny fifaninanam-pirenena amin'ny lalao basikety baolina fiadiana ny ho tompondaka U 18 lahy sy vavy tontosaina any Maevatanàna (kianja Capj 1 sy 2). Omalys zoma 17 jona 2022 dia samy niatrika an'ireo lalao 1/4-dalana ny sokajy zatovolahy sy sokajy zatovovavy izay tafita teo amin'ny lalao 1/8-dalana. Voka-dalao 1/8-dalana zatovolahy (homologués) tamin'ny alakamisy 16 jona 2022 lasa teo : Ebf – Aseim (98-47), Sbbf – Bc Est (66-78), Fanorolahy – Bc (39-52), Ascute – B2C (69-63), Amb hoop's – Abbcm (74-34), Jap Mada – Cosfa (73-51), Bcf – Epab (108-23, mB2All – Sepa Abm (73-55).

Rainilita



Lalao basikety U18 2022 tany Maevatanàna.

## Sakafo Ny Valosoa



Epinard sy henakisoa indray, no laoka amin'ny Sakafo eto amin'ny gazetinao androany. Atao ridritra izany. Tsara raha hasiana ro matsatso anana miaraka aminy. Dia mazotoa homana tompoko.

## NY VALOSOA sy Mahaliana

### Ny tanànan'i Didy any amin'ny distrikan'Ambatondrazaka faritra Alaotra Mangoro

Ny tanànan'i Didy any amin'ny distrikan'Ambatondrazaka faritra Alaotra Mangoro indray, no Mahaliana eto amin'ny gazetinao androany. Renivohitry ny kaominina Didy ity tanà na ity, iray amin'ireo kaominina miisa 20 any amin'ny distrikan'Ambatondrazaka. 5 1 km any atsimo atsinanan'Ambatondrazaka no misy an'i Didy. Izy no manasaraka an'Ambatondrazaka amin'ny distrikan'i Moramanga, Brickaville ary Toamasina II. Azo lazaina ho avo toerana izy satria 1034 m ny haavony mihatra amin'ny ranomasina. Vokatra any ny vary, sy haninkotranana isan-karazany toy ny mangahazo, katsaka, vomanga. Mampalaza an'i Didy koa ny resaka harena an-kibon'ny tany, hita any an-toerana ny rubis, ny corindon, ny safira,... Any Didy no manomboka ny alambola azo lazaina fa mikiraka, any amin'ny faritra At-sinanana.



## Madame ELYA

Mitsabo sy mikarakara TAOVAMPANAHANA LEHILAHY, vatana malaindaina, hozatra, diabeta.

Massage RELAXANT, REFLEXOLOGIE.

Mitsabo ny aretina rehetra amin'ny alalan'ny otra

Tél. 0322495332 - 0347867979.